

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3358 del 13/11/2025

Ultimes fases de cantier per la neva struttura del viadot su la SS48 de la Dolomites

San Giovanni di Fassa – Sèn Jan, ai 6 de dezember vegnarà endò avert l Pont de Lejia renovà

[Ladino] L é beleche fenì la ultimes fases del cantier per l “Pont de Lejia” su la SS48 de la Dolomites tel comun de San Giovanni di Fassa – Sèn Jan, che l vegnarà avert endodanef ai 6 de dezember, co vegnarà serà su i lurieres de restruturazion e ressanament. Dut l é vertech per getèr l peton de la neva strèda, che l vegnarà fat ti dis che vegn. Do vegnarà metù su la barieres, vegnarà asfaltà, fat la proes coi peisc e donca l vegnarà endò avert. Endèna jirà inant i lurieres sotite l viadot per la strèda da la rodes e chi per i comedamenc su la rostes del ruf.

Lurieres S955 Restruturazion e comedament del “Pont de Lejia” su la SS48 de la Dolomites.

L projet l perveit na struttura neva de peton armà, che la se basa sul èrch originèl e la vegn tegnuda su da cater files de micropèi che va ju fons, per ge arseguèr stabilità e resistenza. L nef pont l é lonch 46 metres e lèrch 8 metres, dant l era demò 6,5 metres. Sun duta doi la pèrts l é pervedù marciapees lèrc 1,8 metres, con sparangles per chi che va a pe e guard-rail per la segurezza. Tel projet l é pervedù ence na strèda da la rodes longia 94,48 metres e lèria 2,5 metres, che la passa sorafora l ruf de gra a n tunel de ziment armà. Tinultima, aldò de la domana del Servije de la èghes da mont de la Proviniza, l é stat pervedù lurieres per comedèr l ruf, con n salejà de sas e na bèrcia sobito do dal pont a jir n ju.

Responsabol del prozediment: enj. Carlo Benigni

Projetist: enj. Fabio Ganz

Diretor di lurieres: enj. Marco Zanuso

Coordenador de la segurezza endèna la projetazion e ejecuzion di lurieres: enj. Fabio Ganz

Firma che à fat i lurieres: i lurieres i é stac fac da la firma Cunaccia Bruno srl de Strembo, che l à vent l’apalt per n paament aldò del contrat de 1.348.627,49 euro, a chi che ge vel jontèr 42.973,25 euro per agravies en cont a la segurezza no ametui a rebass.

Traduzion di Servijes Linguistics e Culturèi del Comun general de Fascia

(cdt)